

雅
州
府
志
八

雅州府志卷之十一

土司

衣冠文物固資岳牧之胥左衽侏僑尤藉酋長
之約束故變夷之法先立渠帥使戀我簪黻入我
樊籠然後繼之以禮樂漸之以詩書範之以官方
繩之以法律其君長既受羈繫其種類自相馴擾
而漸開漸闢者須是道也雅州土目百十餘員沐
浴聲教今亦偉然冠裳巍然藩屏矣志土司

按毛西河先生蠻司合志序云蠻司者土司也
自古無土司之名有虞氏征三苗高宗伐鬼方

漢武檄駝冉叩熨統謂之蠻禹貢曰三百里蠻
詩曰用邊蠻方皆是也其地踞湖貴川雲兩廣
六省自巴夔上下迤及海嶠數萬里溪峒箐簞
之中凡數十種歷代迄今各有大姓爲領袖雄
長其地呼嘯羣族未嘗建設州司隸之銓選如
所稱土官土吏者惟有明踵元舊事悉加建設
其法倣之蜀漢昭烈授羅伽李恢爲郡功曹王
簿晉帝用興古蠻溪作本郡太守宋太祖舉徑
人秦冉雄使之自治辰州而推廣其意乃遍設
官吏盡布籍屬于是土司之名興焉凡土官名
號曰宣慰司曰招討司曰安撫司曰長官司每
襲替則必奉朝命其無子弟者卽妻女皆得襲
替我

朝因之然威化所及雖鴻蒙未啓之版圖亦且設
立流官臨治其境與內地不殊此土官之所由來也

大乘司徒土司

先是明初設立以化諭口外各番進貢使其馴服
歸順原頒司徒印信一顆無號紙世襲土職任牧
府城外宏化寺

國朝順治九年歸誠仍授原職

守善體梵灌頂大國師明初同大乘司徒一齊設
立於順治九年歸誠仍授原職頒給印信無號紙
世襲土職同住府城外宏化寺並不管轄地方番
民亦無認納錢糧馬匹今西藏各土司俱投誠向
化納糧當差無所用其化諭一任閑居

木坪土司

在府城之西距府三站自漢來歷代出兵助力恪
守臣節至明始祖蒼旺業卜率番部歸順歷建邊
功洪武六年召至京師親頒勅印賜授董卜韓胡
宣慰使司職世守邊藩三年一貢北守合兒索不
得冒犯中國化諭諸番順誠向化宣德二年移任
府城修建報恩寺置買貢田以備往來進貢自

國朝定鼎堅叅喃哈於順治十八年投誠康熙元年
賚明給印信繼於平西王康熙十九年頒給印信

無號紙喃哈病

襲烏兒結故堅叅雍

中七立承襲出兵寧番陣亡子堅叅達結年小不能任事議以七立妻桑結權印桑結明正土司女因明正司工喀身故無子遂議署木坪土司桑結以女兼管明正司務雍正三年頒結號紙一道六

月打箭爐地動將桑給壓死於是年詳請以堅叅達結承襲母職爲木坪土司又因明正土司無人承襲乃議堅叅達結以木坪土司兼管明正土司印務娶妻喇章係小金川湯鵬之女娶妾王氏么

么生子二長名堅叅襲康次堅叅德昌十一年堅
叅達結病故二子俱幼不能承襲乃議妻喇章權
明正司印務次妻王氏么么權木坪司印務俟長
子襲康成立襲木坪土司次子德昌成立襲明正
土司

功績

康熙二十九年營官猖獗竊距西爐雍中七立率
土兵一千自裴餽糧攻取瓦西上破大岡一路爭
先奮勇首進西爐清還世職并招撫拉滾咱哩沙

卡等處安撫副使千百戶五十六員又撥土夫千
名赴猴子坡背運軍糧事平議叙功加署都督僉
事管宣慰使司事康熙四十九年寧番三渡水猺
叛七立領土兵八百名隨師進勦在陣身亡五十
五年越嚮夷賊加巴貫子魯都等糾集搶掠客貨
劫擄人畜燬房挖塚桑結調土兵五百名隨征進
勦五十六年隨征西藏堅叅達結調民夫七百名
背運軍需五十九年率土兵四百五十名克服若
色若逆地方六十年撥土兵赴巴塘乍丫駐防六

十一年率士兵三百名克服建昌鹽井納汝窩地方雍正二年派夫三百名修噶達城垣四年率士兵五百名攻克涼山普雄黑鹽井又率士兵三百名攻克三渡水留士兵四百名駐防六年又調士兵七百名攻克阿都阿驢雷波等處七年率士兵五百名攻克瞻對桑昂邦等處是年撥夫三百名修理惠遠廟工八年率士兵一千三百名征勦查媽所桑昂邦又進征烏蒙克平永善復沿江堵禦十年率士兵一千一百名克平兒斯堡結布結興

瓦都瓦尾俱蒙議叙賞賚有差十三年奉調土兵
五百名赴貴州征勦苗疆克平烏溜豹得朗母朗
堯牛皮大箐桃兩桃江烏東桃統等處俱經造報
在案

夷俗

民喜住高山其房屋用石砌成高七八丈內鋪重
樓八九層名曰礪房男女裝束俱用五色上穿短
衣長尺七八寸大領小袖下圍百摺裙拖至膝垂
戴圓盔翻簷毡帽耳戴銀環剃頭留辮毛布裹脚

跣足已嫁婦穿短衣下著青藍綠色鑲邊百摺裙
拖至脚背髮分左右辮纏頭用花手巾耳戴大銀
環用珊瑚蜜蜡瑪瑙珠子鑲成布裹脚穿扳尖鞋
閨女腦後留辮四時八節會親友宰殺猪羊牛哂
酒爲敬婚用媒妁稟官後擇日行禮夷禮以九起
數必用緞綾紬布手巾共九件及猪羊盒酒送畢
屆期迎娶不祔褻不拜堂飲食粗糙肉生熟俱食
死喪不穿孝服惟延喇嘛念經塋聽喇嘛定法或
用棺埋或應火化或應棄河中或應棄山上惟喇

嘛之命是從弔問親厚者以紬布印番經挿旂爲
重有事疑心延喇嘛打卦口角打架赴本司告狀
審訊情重者依蠻律治罪罪至死者獨子留養罰
銀給屍親出兵戴皮盔披皮甲掛腰刀左挿彎弓
倒勾竹箭長尺二寸長於步不善騎臨敵蜂擁前
驅不避利害土民地土聽土官安挿給牛種盔甲
房屋充土兵當差聽調頭目頭人父子世承俱經
詳明文武上憲劄委有土守備千把之職

氣候

春夏溫和秋冬嚴寒七八月即降霜雪

土產

貝母 羌活 大黃 青木香 紅銅

礦 大麥 小麥 油麥 青稞

蕎麥 不產稻只有雜糧刀耕火種全憑人力

難用牛犁

戶口

昔年所屬漢牛原額二千餘戶今止轄七百五十

戶又達里營等四十八寨大馬科洛十八村

貢賦

每年貢馬四匹折銀四十八兩又舊管魚通地方
納草糧五十石折徵銀五十兩春季請批解藩庫
上納又貢田在雅安城年上縣庫銀七兩九錢二
分

津梁

江源一自金川漢牛由摠崗而下一自堯磧而下
至木坪衙署之右合流直出靈官壩渡江有鐵索
橋索橋流壳索橋

形勢

寸鄣高山峭壁懸岩地無一里坦平俱係羊腸鳥道間有板藤附葛而行中限一江波濤涵湧

隘口

堯蹟關在東路通沃日瓦寺小金川雜谷出入大道

扎谷巴關在正北邊口小金川沃日出入大道總崗關在正西大小金川漢牛合兒梭卜出入之咽喉也乃邊外各番往來內地必由

又南角內有荒山潏林密箐山勢險峻地頗方廣
杳無人烟爲藏奸之所

界至

東連加渴瓦寺自嗎拉山接沃日界西連打箭爐
界西北抵合兒梭卜界南連天全靈官壩界北連
小金川沃日漢牛界周圍二千餘里係口內土司
夷民淳朴地方寧謐

大田土司

在府城之南距府五站夷番二種自羊庄坪金針

凹楊泗營紫打地一帶名曰猓羅住居依山自火
廠壩大小山冲雨洒坪一帶名曰西方住居傍水
四面皆山林溝箐先世忠臣馬岱之後歷代世襲
土千戶之職至明末流賊張獻忠肆虐川省千戶
馬京力戰破賊身死第亭嗣立亦力戰陣亡

國朝順治九年歸城仍授原職頒給印信號紙傳襲
清浩溶澤濬濬故妻嶺氏襲職嶺故現無人承襲

土俗

西番男人裝束穿白織麻布衣短褲頭包白帕猓